

KOMMUNEQARFIK SERMERSOOQ

Isumaginninnermut, Suliffeqarnermut Inuussutissarsiornermullu Ingerlatsivik/ Velfærd,
Arbejdsmarked og Erhverv
Stabi / Stabsfunktion

Ulloq / Dato : 4.februar 2015
Brev nr. :
Journal nr. : 74.02.01
Sull. / Sagsbeh. kawh
Direkte tlf: 368125
E-mail: kawh@sermersooq.gl

Aalisarnermut, Piniarnermut Nunalerinermullu Naalakkersuisoqarfik

Arfernik angisuunik pisassiissuteqarnermut piniarnermullu tusarniaassumut Kommuneqarfik Sermersuup akissuteqaataa

Arfernik angisuunik pisassiissuteqarnermut piniarnermullu tusarniaassut akissuteqarnissamut 9. februaari 2015-imut killilerneqarsimasoq Kommuneqarfik Sermersuumi Isumaginninnermut, Suliffeqarnermut Inuussutissarsiornermullu Ingerlatsivianit tiguneqarpoq, tusarniaassummullu tunniussaqaarnissamut periarfissinneqarneq pillugu qujassuteqarluni.

Tusarniaassut ingerlatsivimmit atuarneqareerpoq, tikaagulliusaat qipoqqaallu piniarneqarsinnaaneri 1. januaarimiit aallartimmata, taakku pillugit aatsaat tusarniaasoqarnera februaarimilu tusarniaanermut killissaritinneqarnera pissusissamisoortutut isigineqanngilaq. Tusarniaassutit taama ittut politikikkikut oqaluuserineqarniassammata, piffissaatilluarlugu nassiuttarnissaat kommunimit pingaarutilittut isigineqarput, aammalu inuussutissarsiuugalugu piniartut piniarnissaminut pilersaarusiornissaat eqqarsaatigalugit.

Tusarniaassut una pineqartoq, Namminersorlutik Oqartussat tusarniaanermut atassuteqaataatigit tamanut saqqummiullugu pissarsiarineqarsinnaanngortariaqarpoq.

2015-imi arfernik angisuunik pisassiisarnermut nunallu immikkoortuini piniarnermut sulinermi atortuni takuneqarsinnaavoq, 2014-imi sulinermi atortut assigingajalluinnarai. Maluginiartariaqarporli Kommuneqarfik Sermersuumut qipoqqanik pisassiissutit sisamanik amerleriarsimaneri.

Tusarniaassummi allaqqavoq "Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersoq naapertorlugu, 2014-imi pisassiissuteqarneq pillugu piniapilunnermi ukiup naanerani ikilisaasoqarumaartoq".

Oqaaseqaasiaq ersarinngilaq, nalunaarusiamullu naapertuunnani, § 6-imimi allaqqavoq "Imm. 5. Arfernik eqqissisimatitaasunik pisaqarneq pissannerluunniit ukiumi pineqartumi ukiumiluunniit *tulliuttumi* kommunimi inatsisunik unioqqutitsiviusumi pisassiissutit ikilisinneqarnerannik kinguneqarsinnaavoq"

Kommuneqarfik Sermersooq
Postboks 1005
3900 Nuuk
Grønland

GER-nr. 31290937
Bankkonto 6471-1000052
PBS-kreditor nr. 01938681

Tlf. 34 70 00
Fax 32 41 87

www.sermersooq.gl

Ammasarfiit

Ataas. - pinga.	10 – 15
Sisamanngorneq	12 – 17
Tallimanngorneq	10 – 12

Åbningstider

Mandag - onsdag	10 – 15
Torsdag	12 – 17
Fredag	10 – 12

Tikaagullinnik arlaliulluni piniarnermi, arferit amerlanerit annaaneqartut ingerlatsivimmit paasineqarput. Nukissanik asuli pinertut pisariaqanngitsutut isigineqarpoq, taamaattumik piniarfinni angallatit qamutilillit qanoq annertutigalutik piniassanersut eqqarsaatigineqartariaqarpoq.

Kalaallit Nunaata kangiata sineriaani tikaagullinnik pisassiisarnermut tunngatillugu, 2006-imiilli pisassiisoqartalermit suli nungunneqarsimanngillat. 2014-imi Ittoqqortoormiit Tasiilallu akornanni pisassiissuteqarneq ajornakusoortitsivoq, ilaatigut Tasiilami pisassiissutit nungunneqariarlutik, Ittoqqortoormiunut pisassiissutit Tasiilamut nuunneqarnissaannut Namminersorlutik Oqartussanit akuersissut utaqqimaarneqarluni. Pisassiissutit sapinngisamik pitsaernerpaamik atorluarneqarnissaat qulakkeerniarlugit, tikaagullinniarnermut tunu tamaat ataatsimut ingerlatsiveqarfittut isigineqarnissaa pisariaqarpoq, taamaalilluni atorluanerup annerulernissaa naatsorsuutigineqarsinnaalluni. 2014-imi Kalaallit Nunaata kangiata sineriaani tikaagullinnik pisassiissutit pisarineqanngitsut, 2015-imut nuunneqarnissaat naatsorsuutigineqarpoq.

Tusarniaassummut akissut allaffissornikkut suliarineqarpoq, politikkikkut oqaluuserineqarsinnaanera maluginiaqquneqarpoq, tusarniaassummut akissut politikkikkut oqaluuserineqarnissaa periarfissaasimanngimmat.

Inuulluaqqasillunga // Med venlig hilsen //Best Regards

Grethe Nielsen

Isumaginninnermut, Suliffeqarnermut Inuussutissarsiornermullu
Ingerlatsivimmi pisortaq